

COVID-19-ով վարակված անձանց հետ շփման կառավարման պլանի արձանագրություն
նախադպրոցական խնամքի և կրթական հաստատությունների համար

Վերջին Թարմացումները՝

10/18/20: 2-րդ էջում ավելացվել է նախադասություն՝ պարզաբանելու համար, որ, եթե վարակումը տեղի է ունեցել ECE տարածքի դասասենյակում կամ ECE տարածքի խմբում, ապա ամբողջ դասարանը կամ խմբի բոլոր անդամները համարվում են վարակված և պետք է կարանտին պահպանեն: Թարմացվել է մինչև ECE հաստատություն մուտք գործելը կամ ECE հաստատության տարածքում գտնվելիս փստանիշների ստուգման բովանդակությունը (փոփոխությունները նշված են դեղին գույնով):

10/9/20: Ավելացվել է բաժին այն անձանց վերաբերյալ որոշումներում, որոնց փստանիշների ստուգման պատասխանը հաստատություն մուտք գործելիս կամ ներսում գտնվելիս դրական է եղել, սակայն որոնք դեռևս չեն թեստավորվել COVID-19 վարակի համար: Ավելացվել են ավելի կարճ հղումներ մեկուսացման և կարանտին պահպանելու ցուցումների համար: Տրամադրվել են լրացուցիչ տեղեկություններ ECE Կենտրոնի և COVID-19-ի կոնտակտային անձի պարտականությունների մասին: Պարզաբանվել է, որ *Վարակման Դեպքերի և Կասպերի Ցանկում* ներառված անձինք այն անձինք են, որոնք կապ ունեն կրթական հաստատության հետ

Համայնքային մակարդակում COVID-19-ով վարակված անձանց հետ շփման զսպանը թիրախավորված հանրային առողջապահության արձագանքը կարող է օգնել՝ մեծացնելու Լոս Անջելես Շրջանի Հանրային Առողջապահության Վարչության COVID-19-ի արձագանքի ազդեցությունը:

Նախադպրոցական խնամք և կրթություն տրամադրողները համայնքի վստահված համագործակիցներ են, որոնք կարող են օգնել Հանրային Առողջապահության Վարչությանը՝ բարելավել Հանրային Առողջապահության արձագանքի ժամկետներն ու ազդեցությունը COVID-19-ով վարակված անձանց հետ շփման կառավարման պլանի արագ մշակման միջոցով: Շփման կառավարման պլանի անմիջապես իրագործումը նախադպրոցական խնամքի և կրթության հաստատությունում COVID-19-ով վարակման մեկ դեպքի հայտնաբերումից հետո, կարող է արագացնել COVID-19-ի տարածման զսպան կարողությունը և կանխարգելել այդ մեկ դեպքի բռնկում դառնալը համապատասխան վայրում:

Նախադպրոցական խնամքի և կրթության հաստատություններում COVID-19-ի 1,2 և 3 կամ ավելի վարակակիրների հետ շփումների կառավարման քայլերը նկարագրված են ստորև և ամփոփված Հավելված Ա-ում: Քանի որ նախադպրոցական խնամքի և կրթության հաստատությունները կունենան COVID-19-ով վարակակրի հետ շփումների կառավարման համար ռեսուրսների տարբեր մակարդակներ, *պահանջվող* քայլերն այն նվազագույնն են, որ պետք է ընդգրկված լինեն շփման կառավարման պլանում: *Խորհուրդ տրվող* քայլերն ընդգրկում են շփման կառավարման ընտրովի տարրեր, եթե կենտրոնի ռեսուրսները բավարար են:

Նկատի ունենալ, որ «կենտրոններին», «հաստատություններին» կամ «վայրերին» արված բոլոր հղումները վերաբերում են երեխաներին խնամք մատակարարողներին, ներառյալ երեխաներին տանը խնամք տրամադրողներին: «Դեպք» (վարակված անձ/ տուժած) բառն օգտագործվում է՝ հղում անելու նախադպրոցական խնամքի և կրթության հաստատության հետ կապ ունեցող այն անձին, ով վարակված է COVID-19-ով: Այն դեպքում, երբ սույն փաստաթուղթը գործողության կոչ է անում հաստատությանը՝ հաստատված դեպքի առթիվ (օրինակ՝ տրամադրել ցուցումներ), դեպքը անձնակազմի ազդակիր անձն է կամ ազդակիր երեխայի ծնողը (կամ խնամակալը/հոգաբարձուն):

Շփման կառավարման պլանավորում մինչ նախադպրոցական խնամքի և կրթության հաստատությունում 1 COVID-19 դեպքի հայտնաբերումը

Պահանջվում է. Նախադպրոցական խնամքի և կրթության կենտրոններում COVID-19-ի հարցերով հատուկ նշանակված անձ, ով ծառայում է որպես կոնտակտային անձ՝ COVID-19-ի ապահովության արձանագրությունների մասով: Նշանակված անձը կապահովի, որ անձնակազմը, ընտանիքներն ու երեխաները ստանան տեղեկություն COVID-19-ի վերաբերյալ և կծառայի որպես կոնտակտային անձ Հանրային Առողջապահության Վարչությունում հաստատության մակարդակով տեղեկություններ տարածելու համար, որպեսզի թեթևացնի հանրային առողջապահության գործը:

Պահանջվում է. ECE հաստատությունը պետք է հետևի Հանրային Առողջապահության [Որոշումներին](#), որոնք վերաբերում են այն անձանց, որոնց ախտանիշների ստուգման պատասխանը մինչև **ECE հաստատություն** մուտք գործելը կամ **ECE հաստատության տարածքում** գտնվելիս դրական է եղել:

Շփման կառավարում նախադպրոցական խնամքի և կրթության հաստատությունում COVID-19-ով 1 վարակակրի հայտնաբերման դեպքում

Պահանջվում է. Լաբորատոր հաստատումով COVID-19-ով վարակման 1 դեպքի հայտնաբերումից հետո (երեխա կամ աշխատակից), նախադպրոցական խնամք և կրթություն տրամադրողը պետք է ցուցում տա համապատասխան անձին՝ հետևել COVID-19-ով վարակվելու դեպքում տնամեկուսացման ցուցումներին՝ (ph.lacounty.gov/covidisolation).

Պահանջվում է. Նախադպրոցական խնամք և կրթություն տրամադրողը պետք է տեղեկացնի համապատասխան անձին, որ Հանրային Առողջապահության Վարչությունը ուղիղ կապ կհաստատի նրա հետ՝ Հանրային Առողջապահության Վարչության Վարակակիրների և կոնտակտավորների քննության ծրագրի միջոցով՝ հավաքագրելու լրացուցիչ տեղեկություն և տալու Առողջապահության պատասխանատուի՝ վարակակրի մեկուսացման հրամանը:

□ *Պահանջվում է.* ECE կենտրոնի COVID-19-ի Կոնտակտային Անձր պետք է կազմի երեխաների և/կամ աշխատակիցների ցանկը, որոնք կապ ունեն ECE հաստատության հետ և ունեն լաբորատորիայում հաստատված COVID-19 վարակ, ներառյալ և աշակերտների, և/կամ աշխատակիցների ցանկը, որոնք կապ ունեն ECE հաստատության հետ և շփվել են վարակված անձի հետ՝ վերջինիս վարակակիր լինելու ընթացքում: ECE կենտրոնի COVID-19-ի Կոնտակտային Անձր Հանրային Առողջապահության Վարչությանն է ներկայացնում այդ տեղեկությունները՝ օգտագործելով Կրթական Բաժնի համար COVID-19-ի Վարակման Դեպքերի և Կապերի Ցանկը՝ դեպքի մասին տեղեկանալուց հետո 1 աշխատանքային օրվա ընթացքում: Անհրաժեշտության դեպքում կարող է պահանջվել լրացուցիչ ժամանակ: Ցանկը լրացնելու տեխնիկական աջակցության համար կապ հաստատել հետևյալ հասցեով՝ [ACDC- Education@ph.lacounty.gov](mailto:ACDC-Education@ph.lacounty.gov):

- Վարակված անձր համարվում է վարակող՝ ախտանշանների ի հայտ գալուց 2 օր առաջ և մինչ այն պահը, երբ այլևս անհրաժեշտ չէ մեկուսանալ (այսինքն՝ առնվազն 24 ժամ չի ունեցել ջերմություն՝ առանց ջերմիջեցնող դեղամիջոցների օգտագործման, ԵՎ մյուս ախտանշանները բարելավվել են ԵՎ ախտանշանների ի հայտ գալուց ի վեր անցել է առնվազն 10 օր): COVID-19 –ի դրական թեստ ունեցող անձր, ով չունի ախտանշաններ, համարվում է վարակող՝ թեստը հանձնելուց 2 օր առաջ և մինչև թեստը հանձնելուց հետո 10-րդ օրը:
- Անձր համարվում է վարակակրի հետ շփված՝ ստորև նշված կետերից որևէ մեկի դեպքում.
 - Եթե վարակակրի հետ շփումը տեղի է ունեցել ECE դասասենյակում կամ ECE խմբում, բոլոր անձինք, ովքեր եղել են դասասենյակում կամ խմբում վարակիչ ժամանակահատվածում, այդ պահին համարվում են վարակված:
 - Անձ, ով եղել է վարակված անձից 6 ոտնաչափ հեռավորության վրա ավելի քան 15 րոպե, նույնիսկ եթե կրել է ոչ բժշկական դիմակ;
 - Անձ, ով ունեցել է չպաշտպանված կոնտակտ վարակված անձի մարմնի հեղուկների և/կամ COVID-19-ով հաստատված կամ կասկածվող անձի մարմնի արտադրությունների հետ (օրինակ՝ անձի վրա փռչտացել կամ հագացել են, համատեղ օգտագործվել են սպասք կամ փոխանակվել է թուք, կամ անձը խնամել է վարակակրին՝ առանց համապատասխան պաշտպանիչ միջոցներ օգտագործելու):

□ *Պահանջվում է.* Երեխաները և աշխատակիցները, ովքեր հայտնաբերվել են, որ շփվել են վարակված անձի հետ հաստատությունում, ծանուցվում են նախադպրոցական խնամք և կրթություն տրամադրողի կողմից նամակով կամ կապի այլ միջոցներով: Շփման վերաբերյալ ծանուցման նամակի ձևաթուղթը հասանելի է այստեղ՝ [Կրթական հաստատությունների համար COVID-19-ի մասին ծանուցման նամակի ձևանմուշ](#): Վարակակված անձի հետ շփման մասին ծանուցումը պետք է ընդգրկի հետևյալ ուղերձները.

- Վարակված անձի հետ շփում ունեցած աշխատակիցներն ու երեխաները պետք է թեստավորվեն COVID-19-ի համար՝ անկախ նրանից՝ ունեն ախտանշաններ թե ոչ, և տեղեկացնեն նախադպրոցական խնամք և կրթություն տրամադրողին թեստի արդյունքների մասին: Սրանով կորոշվի հիվանդության տարածման չափը՝ նախադպրոցական խնամքի և կրթության հաստատությունում և այն կծառայի որպես հիմք՝ հետագա հսկողության միջոցների համար: Թեստավորման ռեսուրսներն ընդգրկում են. Աշխատողների

առողջապահության ծառայություններ կամ Մասնագիտական առողջապահության ծառայություններ, Անձնական առողջապահության սուբյեկտներ, համայնքային թեստավորման տարածքներ. covid19.lacounty.gov/testing: Այն անհատները, ովքեր օգնության կարիք ունեն բժշկական խնամք տրամադրող գտնելու հարցում, կարող են զանգահարել Լոս Անջելեսի տեղեկատվական գիծ՝ 2-1-1 հեռախոսահամարով, որը հասանելի է 24/7:

- Վարակված անձի հետ շփում ունեցած աշխատակիցներն ու երեխաները պետք է լինեն կարանտինում 14 օր՝ սկսած վարակված անձի հետ վերջին շփումից մինչ այն պահը, երբ այլևս վարակող չեն (ինչպես դա սահմանված է վերևում), և նույնիսկ այն դեպքում, եթե կարանտինի ընթացքում ստանան թեստի բացասական պատասխան: Թեստի բացասական արդյունք ունեցող անձի օրգանիզմում կարող է այնուհետև զարգանալ հիվանդություն՝ ախտանշաններով կամ առանց ախտանշան, եթե նա թեստավորվել է ինկուբացիոն շրջանում (շփման և հիվանդության սկզբի միջև ընկած ժամանակահատվածում): COVID-19-ի համար տնային կարանտինի ուղեցույցը հասանելի է այստեղ՝ ph.lacounty.gov/covidquarantine.
- Հանրային Առողջապահության Վարչությունը կհաստատի կապ վարակված անձի հետ շփում ունեցած աշխատակիցների և երեխաների հետ՝ Հանրային Առողջապահության Վարչության Վարակակիրների և Կոնտակտավորների քննության ծրագրի միջոցով՝ հավաքագրելու լրացուցիչ տեղեկություն և տալու Առողջապահության պատասխանատուի կարանտինի հրամանը:

Խորհուրդ է տրվում. Նախադպրոցական խնամք և կրթություն տրամադրողը պետք է որոշի՝ արդյոք անհրաժեշտ է լրացուցիչ ծանուցում՝ տեղեկացնելու նախադպրոցական խնամքի և կրթության կենտրոնի ավելի լայն համայնքին՝ հաստատությունում վարակված անձի հետ շփման և COVID-19-ը կանխելու նպատակով ձեռնարկվող քայլերի մասին : Ծանուցման նամակի ընդհանուր ձևանմուշը հասանելի է այստեղ՝ [Կրթական հաստատությունների համար COVID-19-ի մասին ծանուցման նամակի ձևանմուշ](#):

Շփման կառավարումը նախադպրոցական խնամքի և կրթության հաստատությունում COVID-19-ով 2 վարակակիրների հայտնաբերման դեպքում՝ 14 օրվա ընթացքում

Պահանջվում է. 14 օրվա ընթացքում լաբորատոր հաստատումով 2 վարակված անձանց հայտնաբերման դեպքում (երեխաներ և/կամ աշխատակիցներ), նախադպրոցական խնամք և կրթություն տրամադրողը հետևում է 1 հաստատված դեպքի համար *պահանջվող* քայլերին:

Խորհուրդ է տրվում. Նախադպրոցական խնամք և կրթություն տրամադրողը որոշում է՝ արդյոք երկու հաստատված դեպքերը էպիդեմիոլոգիապես կապված են, այսինքն՝ երկու վարակված անձինք միևնույն տարածքում ներկա են եղել միասին միևնույն ժամանակ այն ժամանակահատվածում, երբ իրենք վարակող էին*:

** Վարակված անձը համարվում է վարակող, ախտանշանների ի հայտ գալուց 2 օր առաջ և մինչ այն պահը, երբ այլևս անհրաժեշտ չէ մեկուսանալ (այսինքն՝ առնվազն 24 ժամ չի ունեցել ջերմություն՝ առանց ջերմիջեցնող դեղամիջոցների օգտագործման, ԵՎ ախտանշանները բարելավվել են, ինչպես նաև ախտանշանների ի հայտ գալուց ի վեր անցել է առնվազն 10 օր): COVID-19 –ի դրական թեստ ունեցող անձը, ով չունի ախտանշաններ, համարվում է վարակող՝ թեստը հանձնելուց 2 օր առաջ և թեստը հանձնելուց հետո մինչև 10-րդ օրը:*

- Վարակված անձանց միջև էպիդեմիոլոգիական (համաճարակային) կապերի որոշման համար հնարավոր է, որ անհրաժեշտ լինի հետազոտ քննություն՝ գնահատելու շփման պատմությունն ու հայտնաբերելու բոլոր հնարավոր վայրերը և անձանց, ովքեր կարող են շփված լինել վարակված անձի հետ տվյալ հաստատության տարածքում, վերջինիս վարակող լինելու ժամանակահատվածում: ԾԱՆՈՒՑՈՒՄ՝ Էպիդեմիոլոգիական (համաճարակային) կապերը ներառում են անձանց, ովքեր ունեն նույնականացվող կապեր իրար հետ՝ ինչպես օրինակ ֆիզիկական տարածքը համատեղ բաժանելը (օրինակ՝ դասարանում, գրասենյակում կամ հավաքույթների ժամանակ), որը մատնանշում է հիվանդության փոխկապակցված տարածման ավելի բարձր հավանականությունը տվյալ հաստատությունում, քան եզակի փոխանցումը ավելի լայն համայնքի շրջանակում: Էպիդեմիոլոգիական կապերի գնահատման հարցում օգնող տեղեկությունները հասանելի է այստեղ՝ [COVID-19-ով վարակված անձանց քննության ստուգաթերթ կրթական ոլորտի համար](#): Էպիդեմիոլոգիական կապերի գնահատման տեխնիկական օգնության համար կարելի է կապ հաստատել՝ ACDC-Education@ph.lacounty.gov:
- Եթե էպիդեմիոլոգիական կապեր չկան, նախադպրոցական խնամք և կրթություն տրամադրողը շարունակում է շփման ամենօրյա կառավարումը:
- Եթե էպիդեմիոլոգիական կապեր կան, ապա նախադպրոցական խնամք և կրթություն տրամադրողը ամրապնդում է երեխաներին, ծնողներին/խնամակալներին/հոգաբարձուներին և աշխատակիցներին ուղղված ուղերձները՝ ձեռնարկելու քայլեր՝ կանխարգելելու հաստատությունում վարակի տարածումը, այդ թվում՝ տեղանքին հատուկ միջամտությունների իրականացումը:

Շփման կառավարումը նախադպրոցական խնամքի և կրթության հաստատությունում COVID-19-ով ≥ 3 վարակակիրների հայտնաբերման դեպքում՝ 14 օրվա ընթացքում

Պահանջվում է. Եթե նախադպրոցական խնամքի և կրթության տրամադրողը հայտնաբերում է լաբորատոր հաստատված, 3 կամ ավելի դեպքերի խումբ երեխաների և/կամ աշխատակիցների մոտ 14 օրվա ընթացքում, ապա նախադպրոցական խնամք և կրթություն տրամադրողը պետք է շարունակի հետևյալ քայլերով.

- Հայտնել խմբի մասին Հանրային առողջապահության վարչության Սուր վարակիչ հիվանդությունների կենտրոնի կրթական ոլորտի թիմին՝ մեկ աշխատանքային օրվա

ընթացքում հետևյալ էլեկտրոնային հասցեով՝ ACDC-Education@ph.lacounty.gov կամ զանգահարելով (888) 397-3993 կամ (213) 240-7821:

- Լրացնել *Դեպքերի և կոնտակտավորների ցանկը*, որը հասանելի է հետևյալ կայքում՝ [COVID-19 դեպքերի և կոնտակտավորների ցանկ կրթական ոլորտի համար](#) և հանձնել այն՝ ACDC-Education@ph.lacounty.gov-ին: Ցանկը լրացնելու վերաբերյալ տեխնիկական հարցերով կարելի է կապ հաստատել՝ ACDC-Education@ph.lacounty.gov:
- Սուր վարակիչ հիվանդությունների կենտրոնի կրթական ոլորտի թիմը պետք է վերանայի *Դեպքերի և կոնտակտավորների ցանկը*՝ որոշելու համար, թե արդյոք բռնկման չափանիշները բավարարվել են: Սուր վարակիչ հիվանդությունների կենտրոնի կրթական ոլորտի թիմը պետք է կապ հաստատի նախադպրոցական խնամքի և կրթության տրամադրողի հետ 1 աշխատանքային օրվա ընթացքում՝ խորհրդակցելու հաջորդ քայլերի վերաբերյալ:
- Եթե բռնկման չափորոշիչները բավարար չեն, նախադպրոցական խնամք և կրթություն տրամադրողը շարունակում է շփման առօրյա կառավարումը:
- Եթե բռնկման չափորոշիչները բավարարված են, գործի է անցնում Հանրային Առողջապահության Վարչության Բռնկումների կառավարման ճյուղը:
- Բռնկումների կառավարման ճյուղի քննիչը նշանակվում է համագործակցելու նախադպրոցական խնամք և կրթություն տրամադրողի հետ, որպեսզի համակարգվի բռնկման կառավարումը՝ բռնկման քննության ժամանակահատվածում:
- Նախադպրոցական խնամք և կրթություն տրամադրողի COVID-19-ի հարցերով կոնտակտային անձը Բռնկումների կառավարման ճյուղի քննիչին տեղեկություններ ու *Դեպքերի և կոնտակտավորների ցանկի* թարմացումներ կհաղորդի, քանի դեռ բռնկումը չի լուծվել:

Խորհուրդ է տրվում. Խմբի մասին, մինչև Հանրային Առողջապահության Վարչության Բռնկումների կառավարման ճյուղին հաղորդելը, Նախադպրոցական խնամք և կրթություն տրամադրողը պետք է որոշի՝ արդյոք առնվազն 3 դեպք կապված են միմյանց հետ էպիդեմիոլոգիապես: Էպիդեմիոլոգիական կապերի գնահատման հարցում օգնող գործիքը հասանելի է այստեղ՝ [COVID-19-ով վարակված անձանց քննության ստուգաթերթ կրթական ոլորտի համար](#):

COVID-19-ի բռնկման չափորոշիչներ նախադպրոցական խնամքի և կրթության հաստատությունների համար

Նախադպրոցական խնամքի և կրթության հաստատությունում առնվազն 3 լաբորատոր հաստատված դեպքեր՝ ախտանշաններով կամ առանց COVID-19-ի ախտանշանով մեկ խմբում* 14-օրյա ժամանակահատվածում՝ էպիդեմիոլոգիապես իրար հետ կապված անդամների հետ, որոնք միննույն բնակավայրի անդամներ չեն և դպրոցի տարածքից դուրս սերտ շփում չունեն իրար հետ:

**Խմբի մեջ մտնում են անձինք, ովքեր ունեն ընդհանուր անդամագրություն (օրինակ՝ միևնույն դասարան, նախադպրոցական խնամքի և կրթության իրադարձություն կամ արտադասարանային*

գործողություն): Էպիդեմիոլոգիական կապ կա, եթե վարակված անձը որևէ պահի, միննույն ժամանակ ներկա է եղել միննույն տարածքում և այն ընթացքում, երբ ինքը համարվում էր վարակակիր:

Հավելված Ա. Քայլեր՝ կառավարելու նախադպրոցական խնամքի և կրթության հաստատությունում COVID-19-ով վարակման դեպքերը:

<p>1 դեպք</p>	<p>1) <i>Պահանջվում է.</i> Նախադպրոցական խնամք և կրթություն տրամադրողը պետք է ցուցում տա վարակված անձին՝ հետևել Տնամեկուսացման ցուցումներին (ա):</p> <p>2) <i>Պահանջվում է.</i> Նախադպրոցական խնամք և կրթություն տրամադրողը պետք է տեղեկացնի վարակված անձին, որ Հանրային առողջապահության վարչությունը ուղիղ կապ կհաստատի նրա հետ՝ հավաքագրելու լրացուցիչ տեղեկություն և տալու Առողջապահության պատասխանատուի մեկուսացման հրամանը (ա):</p> <p>3) <i>Պահանջվում է.</i> Նախադպրոցական խնամք և կրթություն տրամադրողը պետք է աշխատի վարակված անձի հետ՝ հայտնաբերելու Նախադպրոցական խնամքի և կրթության կենտրոնի կոնտակտավորներին:</p> <p>4) <i>Պահանջվում է.</i> Նախադպրոցական խնամք և կրթություն տրամադրողը պետք է ծանուցի* Նախադպրոցական խնամքի և կրթության կենտրոնի կոնտակտավորներին և ցուցում տա նրանց՝ կարանտինացվել տանը (բ) և թեստավորվել COVID-19-ի համար:</p> <p>5) <i>Պահանջվում է.</i> Նախադպրոցական խնամք և կրթություն տրամադրողը պետք է տեղեկացնի կենտրոնի կոնտակտավորներին, որ Հանրային առողջապահության վարչությունը հետևողականորեն հավաքագրելու է լրացուցիչ տեղեկություն և տալու Առողջապահության պատասխանատուին կարանտինի հրամանը (բ):</p> <p>6) <i>Պահանջվում է.</i> Նախադպրոցական խնամք և կրթություն տրամադրողը պետք է տրամադրի վարակակիր անձի և հաստատության կոնտակտավորների կոնտակտային տվյալները՝ օգտագործելով COVID-19 դեպքերի և կոնտակտավորների ցանկը կրթական ոլորտի համար և ուղարկի Հանրային առողջապահության վարչություն հետևյալ հասցեով՝ ACDC-Education@ph.lacounty.gov.</p> <p>7) <i>Խորհուրդ է տրվում.</i> Նախադպրոցական խնամք և կրթություն տրամադրողը պետք է ընդհանուր ծանուցում ուղարկի՝ տեղեկացնելու նախադպրոցական խնամքի և կրթության կենտրոնի ավելի լայն համայնքին՝ հաստատությունում վարակված անձի հետ շփման և COVID-19-ը կանխելու նպատակով ձեռնարկվող քայլերի մասին : Ընդհանուր ծանուցման և կոնտակտավորների ծանուցման ընդհանուր ձևանմուշը հասանելի է այստեղ՝ * COVID-19-ի մասին ծանուցման նամակի ձևանմուշ կրթական հաստատությունների համար:</p>
<p>2 դեպք</p>	<p>1) <i>Պահանջվում է.</i> Հետևել 1 հաստատված դեպքի համար անհրաժեշտ քայլերին:</p> <p>2) <i>Խորհուրդ է տրվում.</i> Եթե երկու դեպքերն առաջացել են 14 օրվա տարբերությամբ, ապա նախադպրոցական խնամք և կրթություն տրամադրողը պետք է որոշի՝ արդյոք դեպքերը Էպիդեմիոլոգիապես կապված են: Դրանք հասանելի են COVID-19 վարակակրի հետ շփման աշխատաթերթիկ կրթական ոլորտի համար. կայքով, որն օգնում է գնահատել Էպիդեմիոլոգիական կապերը:*</p>

Եթե epi կապերն առկա են, ապա ECE հաստատությունները կիրառում են վարակի վերահսկման լրացուցիչ միջոցառումներ:

3+
դեպք

1) *Պահանջվում է*. Եթե 3 կամ ավել դեպքերի խումբ է առաջանում միմյանցից 14 օրվա տարբերությամբ, ապա նախադպրոցական խնամք և կրթություն տրամադրողը պետք է ծանուցի Հանրային առողջապահության վարչությանը հետևյալ հասցեով՝ ACDC-Education@ph.lacounty.gov:

2) *Խորհուրդ է տրվում*. Մինչ հանրային առողջապահության վարչությանը խմբի մասին ծանուցելը, նախադպրոցական խնամք և կրթություն տրամադրողը պետք է որոշի՝ արդյոք առնվազն 3 դեպքերի միջև կա էպիդեմիոլոգիական կապ:

Պահանջվում է. Հանրային առողջապահության վարչությունը պետք է հայց ներկայացնի, որ նախադպրոցական խնամք և կրթություն տրամադրողը լրացնի [COVID-19 դեպքերի և կոնտակտավորների ցանկը](#)՝ կրթական ոլորտի համար՝ որոշելու, թե արդյոք բռնկման չափորոշիչները բավարարվում են:* Եթե բռնկման չափորոշիչները բավարարվում են, ապա Հանրային Առողջապահության Վարչության Կառավարման Մասնաճյուղը կգործարկվի, և Քննիչը կապ կհաստատի ECE հաստատության հետ՝ համակարգելու բռնկման քննությունը:

3) *Պահանջվում է*. նախադպրոցական խնամք և կրթություն տրամադրողը պետք է թարմացումներ տրամադրի Բռնկումների կառավարման ճյուղի քննիչին քանի դեռ բռնկումը չի լուծվել (այսինքն՝ վերջին հաստատված դեպքից առնվազն 14 օր անց):

(ա) Առողջապահության պատասխանատուի հրաման, վարակված անձինք պետք է ուղղորդվեն ինքնամեկուսացման առնվազն 24 ժամ մինչև (առանց ջերմիջեցնող դեղամիջոցների օգտագործման) ջերմություն չունենալը, ԵՎ շնչառական համակարգերի աշխատանքի բարելավումը ԵՎ ախտանշանների ի հայտ գալուց ի վեր առնվազն 10 օր անցնելը, ԿԱՄ, եթե վարակակիրը չունի ախտանշան, մինչև դրական թեստից 10 օր անցնելը:

ph.lacounty.gov/covidisolation.

(բ) Առողջապահության պատասխանատուի հրաման, կոնտակտավորները պետք է ուղղորդվեն կարանտինացման՝ վարակող անձի հետ վերջին շփումից հետո 14 օրով՝

ph.lacounty.gov/covidquarantine.